



KOMISIJA ZA RAČUNOVODSTVO I REVIZIJU
BOSNE I HERCEGOVINE

ISPIT ZA STJECANJE PROFESIONALNOG ZVANJA
CERTIFICIRANI RAČUNOVOĐA
(ISPITNI TERMIN: NOVEMBAR/STUDENI 2025. GODINE)

PREDMET 9:
PRIMJENA FINANSIJSKOG/ FINANCIJSKOG MENADŽMENTA

I – TEST PITANJA

1. U čemu se manifestuje kriza uspjeha u preduzeću:

- a) gubljenju konkurentske sposobnosti na tržištu
- b) smanjenju dobiti ili pojavi gubitaka
- c) nemogućnosti plaćanja obaveza u roku dospijeca.

2. U uslovima platežne nesposobnosti (nelikvidnosti) za vrhunski cilj preduzeća se uzima:

- a) ekonomsko saniranje
- b) finansijsko saniranje
- c) likvidacija preduzeća

3. Platežno nesposobno preduzeće je:

- a) kada je dugoročno vezana imovina uvećana za gubitak iznad kapitala veća od kapitala uvećanog za dugoročna rezervisanja i dugoročne obaveze
- b) kada je dugoročno vezana imovina uvećana za gubitak iznad kapitala manja od kapitala uvećanog za dugoročna rezervisanja i dugoročne obaveze
- c) kada preduzeće posluje s gubitkom

4. Kada postoji slobodan kapital za investiranje:

- a) kada je koeficijent finansijske stabilnosti manji od jedan (1)
- b) kada je koeficijent finansijske stabilnosti veći od jedan (1)
- c) kada je koeficijent finansijske stabilnosti jednak nuli (0).

5. Latentne rezerve kod osnovnih sredstava se stvaraju kada je:

- a) amortizacioni period kraći od vijeka trajanja osnovnih sredstava i kada se primjenjuje metoda degresivne amortizacije
- b) amortizacioni period veći od vijeka trajanja osnovnih sredstava i kada se primjenjuje metoda progresivne amortizacije
- c) amortizacioni period jednak vijeku trajanja osnovnih sredstava i kada se primjenjuje metoda proporcionalne amortizacije.

6. Racio ubrzane likvidnosti ili rigorozni ratio likvidnosti izračunava se iz odnosa:

- a) raspoložive gotovine i kratkoročnih obaveza
- b) obrtne imovine i kratkoročnih obaveza
- c) zbira kratkoročnih potraživanja, kratkoročnih vrijednosnih papira, gotovine i kratkoročnih obaveza

7. Povjerioci su zaštićeni sve dok:

- a) nivo gubitka ne prijeđe nivo vlastitog kapitala
- b) nivo gubitka ne prijeđe nivo ukupnog kapitala
- c) nivo gubitka ne prijeđe nivo likvidne rezerve

8. U momentu formiranja dugoročnih rezervisanja:

- a) poboljšava se finansijska stabilnost i smanjuje porez na dobit
- b) pogoršava se finansijska stabilnost i smanjuje se porez na dobit
- c) poboljšava se finansijska stabilnost i povećava se porez na dobit

9. Agresivna metoda finansiranja neto obrtnih sredstava se oslanja na:

- a) visokoj zavisnosti od kratkoročnih izvora finansiranja
- b) visokoj zavisnosti od dugoročnih izvora finansiranja
- c) visokoj zavisnosti od srednjoročnih izvora finansiranja

10. Stalna sredstva namijenjena prodaji:

- a) negativno utiču na finansijsku stabilnost,
- b) pozitivno utiču na finansijsku stabilnost,
- c) neutralno utiču na finansijsku stabilnost.

11. Posrednici na finansijskom tržištu koji trguju za svoj račun zovu se:

- a) investitori
- b) depozitne banke
- c) dileri
- d) špekulanti

12. Donošenje odluka o načinu financiranja projekta zovemo:

- a) odluka o osnivanju
- b) odluka o financiranju
- c) odluka o investiranju
- d) odluka o dividendi

13. Stopa koja izjednačava sadašnju vrijednost budućih novčanih tokova koje odbacuje projekt i investiranog zovemo:

- a) diskontna stopa
- b) interna stopa profitabilnosti
- c) indeks profitabilnosti
- d) neto sadašnja vrijednost

14. Dividenda podliježe:

- a) oporezivanju
- b) trošku
- c) dvostrukom oporezivanju
- d) ograničenjima

15. Prinos na kapital izračunava se odnosom:

- a) neto dobiti ostvarene ulaganjem i početnog ulaganja
- b) neto dobiti ostvarene ulaganjem i kapitala
- c) koji predstavlja postotak početnog ulaganja

16. Usporedba veličine pojedinih pozicija u financijskom izvještaju u određenom razdoblju predstavlja:

- a) horizontalnu analizu
- b) pokazatelje
- c) vertikalnu analizu
- d) ništa od navedenog

17. Kredit dan uz zalog dragocjenosti, vrijednosnih papira ili zaliha zovemo:

- a) kratkoročni kredit
- b) lombardni kredit
- c) akceptni kredit
- d) avalni kredit

18. Neizvjesnost ostvarenje poslovnog dobitka kao prinosa na ukupno uloženi kapital zovemo:

- a) financijski rizik
- b) poslovni rizik
- c) financijska poluga
- d) poslovna poluga

19. Interni izvor financiranja u poduzeću je financiranje iz:

- a) amortizacije
- b) neosiguranih kredita banke
- c) leasinga
- d) faktoringa

20. Odobrenje za distribuciju vrijednosnih papira (javna ponuda upisa i uplata vrijednosnih papira) daje:

- a) Ministarstvo financija
- b) Komisija za vrijednosne papire
- c) Centralni registar vrijednosnih papira
- d) Financijski posrednici

II – ZADACI

Zadatak broj 1

Pretpostavimo preduzeće koje ima sljedeće podatke:

- prihode od prodaje	500.000,00
- varijabilne rashode	300.000,00
- fiksne poslovne rashode	90.000,00
- neto rashode finansiranja	5.000,00

Izračunajte faktor poslovnog, finansijskog i složenog (ukupnog) leveridža i stopu elastičnosti ostvarenja neutralnog poslovnog dobitka i stopu elastičnosti ostvarenja neutralnog bruto dobitka (redovne aktivnosti).

Zadatak broj 2

Dionica nosi dividendu od 4,50 KM. Stopa rasta dividende je 2%, a zahtijevana stopa prinosa 12%.

Izračunajte vrijednost dionice.